

1073

P A T R I S T I C I

1074

75. versibus ultra procurrit, quorum principium est: *Duo fratres de Polensis urbis regione*. Finis: *in dilectione permanes proximi*.

Fol. CLXXIV. p. 2. conspirat noster cum editis, qui *Epistolam ad Clerum et Populum Mediolanensem* Alexandro II. tribuunt, cui apud *Labbeum* T. IX. Conc. col. 1115. perperam *Nicolai* nomen praefixum est.

Fol. CLXXXIV. p. 2. *Epistola. P. Damiani de incontinentia Clericorum* est in *Edit.* T. III. p. 173. *Dissertatio II. contra Clericos intemperantes*, sed nobis mutila; nam post illa verba C. IV. *ne afferatis ultra*, adfuta est portio C. IV. *Dissertationis III.* a verbis: *Tu inquit nosti* &c. usque ad finem: *scribendo precipiat*.

Fol. CXCVII. Opusculum: *Quantam salutem conferat elemosina*, nobis inscriptum *Dompno Aladrado Bremensi*, *Edit.* T. III. p. 85. inscribitur: *Mainardo Episcopo Vrbinati*.

Fol. CCI. p. 2. Opusculum inscriptum: *Quos deus corrigit hos erudit* &c. vitio Librarii aut Compactoris interjecta habet tria folia videlicet 204. 205. et 206. quorum primum pertinet ad *Sermonem I. de S. Matthaeo Apostolo*, qui f. 206. p. 2. incipit et dein f. 208. usque ad finem continuatur; secundum pertinet ad Opusculum in *Edit.* T. III. p. 377. inscriptum *De Principis officio in coercitione improborum* &c. incipitque ab iis C. I. verbis: *Eneruato quippe rigore* &c. In *Denis Codd. mfs. theol. Bibl. Palat.*

tertii p. 2. hoc Opusculum verbis: *iustitiae reuertaris autorem*, absoluitur. Initium vero illius f. demum 207. p. 2. comparet.

Fol. CCX. *Sermo sancti Bartholomei*, qui nobis unus est, *Edit.* T. II. a pag. 93. in duos dividitur.

Fol. CCXXV. *Sermo nobis κεφαλος* *Edit.* T. II. p. 129. inscribitur *de S. Fidele Martyre*.

Ex *Orationibus* denique in IV. *Editionis* saepe citatae *Tomum* cooptatis Codex noster exhibet: tres ad *Patrem, Filium* et *S. Spiritum*, tres item *de Cruce, Mediator dei et hominum* &c. *Si pietatem tuam* &c. *Dum crucem dilectissimi* &c. Atque haec in eorum gratiam, qui de nova olim *Petri Damiani* Scriptoris ad res temporum suorum peropportuni post *Venetam* 1743. editione cogitaturi sunt.

CCLXXXIX. VI. F. 6.

Codex membraneus lat. Sec. 392. XV. Folior. nunc 46. 4. per duas columnas scriptus rubricisque pernotatus, et olim *monasterii sancti maximini*, quod O. S. B. ad *Treviros* putem, complectitur quaedam D. *Bernardi* Opuscula, prout ordine hic percurruntur: I. *Incipit apologia beati bernardi abbatis ad Wer. abbatem*. Initium: *Uenerabili patri N. frater bernardus fratrum qui in clara ualle sunt inutilis seruus salutem in domino*. *Vsque modo si qua me scriptitare iussistis* &c. Extat *Opp.* ex edit. *Mabillon. Paris.*

Y y y

rif.

1075

I C O D I C E S

1076

*ris.* 1690. T. II. p. 525. directa ad Guilelmum Abb. S. Theodoricum cum Praefatiuncula, quam Codex ignorat.

II. fol. 12. p. 2. *Incipit tractatus eiusdem de conscientia.* Initium: *Conscientia in qua anima perpetuo est mensura (mansura) edificanda est &c.* Bernardi non est, vix etiam Hugonis a S. Victore, in cuius Operibus tertium de Anima Librum constituit. Legitur tamen inter Subposita Opp. Bernardi T. V. p. 335. et quidem cum Prooemio et multo plenior, quam hic in Codice.

III. fol. 23. p. 2. *Incipit tractatus eiusdem de apertione cordis.* Initium: *De apertione cordis tractare intendimus. Est enim cor tamquam liber &c.* Non inuenio in Opp. Bernardi; esse tamen Coenobitae cuiusdam forsitan ipsi coaevi vel e sequenti Abbatum censura credibile fit: *Plerique abbates in cameris extra carcerem claustrum de bonis ipsorum claustralium delicate uiuunt. ipsos in claustrali carcere cum pisa (piso) et olere relinquentes plus in salmone quam in salomone legentes. Vnde licet omnes dicant se esse fratres, non tamen omnes scutelle sunt sorores, nec isti unquam carcerem claustrum intrant, nisi certis diebus ad intrandum capitulum, ad proprietarios excommunicandos, et precepta cum imperio rubentibus buccis facienda.*

IV. fol. 28. *Incipit tractatus eiusdem de confessione.* Initium: *Corde creditur ad iusticiam ore autem fit confessio ad salutem —*

*Tria proponuntur. et corde credere ad iusticiam et ore confiteri &c.* Excerptum est e Sermone Nicolai Claraeualensis in Festo S. Andree, qui legitur T. V. Opp. Bernardi cit. p. 713.

V. fol. 31. *Incipit tractatus eiusdem de fuga pueri et reductione eius.* Initium: *Rex potens et diues deus omnipotens filium sibi fecit hominem &c.* Est Prima Parabolarum vulgo Bernardo adscriptarum T. Opp. III. p. 1245. ubi insignitur: *De Pugna spirituali.*

VI. fol. 33. p. 2. *Incipit prologus beati bernardi abbatis ad (Henricum) episcopum senonen.* Initium: *Domino venerabili N. senonencium archiepiscopo &c.* Initium Tractatus: *Igitur ex quo regni celorum claues deo auctore &c.* Extat Opp. T. II. p. 461. inscriptus: *De Moribus et Officio Episcoporum*, a nobis indicatus Cod. etiam seq.

Inerant praeterea olim isti, ut Nota praefixa docet, *Vita s. Guiberti conf. et Revelationes eiusdem. Vita s. Maclovi sive Machutis ep. et conf. Vita s. Germani parisiensis ep. Vita et passio s. Bonifacii ep. magunt. Vita et passio s. Conrardi ep. treueror.*

CCXC. VII. 273.

Codex chartaceus lat. Sec. 251 XV. Folior. 348. f. eleganter scriptus et coloribus decoratus hanc praefert επιγραφη: *Hic Liber datus est ad librariam collegij ducalis ex opposito fratrum pre-*